

有正味齋詩集

有正味齋詩續集卷七目錄

錢塘 吳錫麒 聖徵

韓江酬唱集三

壽谷西阿七十生日一首

仿鑄漢建初銅尺歌

人日五筍仙館讌集

燈戲行

江上望春

開平王孫種菜歌

屠琴塢令儀徵於吳興買桑秧血萬二千本課民栽植
以興蠶利并賦詩三章示之其勤民也至矣依韻以
和且要其成

壽阮若臺潛帥五十生日五十韻

輓江文叔

竹西亭會飲同用坡公送李搏過嶺石刻詩韻

浴佛日鄭秦川中翰宗洛招集義實堂觀牡丹分得隨

字

題張太初西冷月泛圖

題少懷圖

題韋約軒先生秋林講易圖遣照

繼蓮龕觀察吳山所晴飯後登大觀臺明年過揚以詩

屬和卽用原韻二首

得那東甫制府書知奉

俞勛賊滑城渠茲就擒凱旋有日賦寄二首

洪桐生太守約同梅花嶺春酌同用放翁園中賞梅韻
題羅麓泉明府齋遠懷生薑圖

翁覃溪前輩書來辱以詩贈并以所刊詩集見寄賦謝

十韻

衛滑賊匪盡殲從征將領蒙

恩皆加爵賞賦此志喜四首并寄東南

洪吉士錫謙屬題其遠祖太常公遺像三首

壽韓旭亭封君八十

聞東南勦賊後復命還朝卽赴直隸制使任再寄

四十韻

酒市杏花歌

鄂不詩館送春

題華山碑集貴仲符齋中作

壽沈梅村七十

題錢梅溪派護碑圖

哭張船山三首

屠琴塢尊人蘭渚七十壽詩

廖復堂都轉自龍潭歸見示百菊溪先生舟中所和歸

鶴亭詩即次原韻一首

題蔣伯生培羅莊圖四首

題家蘇橋裕豐樂溪圖八首

豐溪南山釣臺綠繞邱
雲山館過溪亭十二樓北開

有正味齋詩續集卷七

錢唐 吳錫麒 聖徵

韓江酬唱集三

壽谷西阿七十生日二首

同科四十載忝附承明廬記當豪筆八辨析蟲與魚青瑣本故
物樂此未見書斜陽每下直各踰租來驢相邀羅酒漿笑語喧
庭陰素心豈不戀乃爲家計紆滇南萬里去無夢通起居昨聞
入郎署動念爲躊躇君既滯春明余又息里閭蹤跡自相誤敢
咎魚鴈疎豈知渡江雲一夕來相於白頭相慰藉且復酹顏舒
君今年七十我僅二歲虛新年宜酒食春盤薦寒蔬梅花草堂
好二分趣蟾蜍

君輯大儒詩妙得大儒旨下用敦風俗上藉飭倫紀風雅提一

律字字貫經史卓哉昌黎公能令鱷魚徙巖巖子朱子豈懼羣
小毀及發爲文章溫然有餘美外強而中乾君子勿爲矣昔君
在諫垣正直人所企卽今擁臯比力足式浮靡要其光霽懷可
尋風月裏穹編旣告成遐壽又可喜請進東修羊請酌躋堂兕
頤頤先輩在願以名山俟酬君千古榮吾用介繁祉

仿鑄漢建初銅尺歌

建初銅尺篆文曰盧僊銅尺建初六年八月十五日造凡十四
字舊在江都閔義行家後歸闕里孔東塘尚在處翁覃溪先生
曾借得以木摹之與錢褱石前輩程魚門同年皆有詩至阮芸
臺中丞視學山右借歸京師始重以銅鑄而瑛東卿志鉉又從
阮借得用洋銅鑄爲三尺一以贈翁一以贈阮而自留其一賈
洪先生爲之作考因自京賦詩徵和余乃作此寄之

蘇齋我別今十霜金石之契安能忘卽如此尺考更詳北風吹
牖書爲將云葉東卿鑄出良擬建初造名非攘精銅百鍊搜重
洋金粟一握羅星芒豈玉律探汲冢荒北璧羨補冬官亡尊爨
提服圭璧璋上而儀象下井疆準此乃不愆陰陽黃鍾起度理
有常用垂制作敢不獲流傳自昔聞東塘舉本亦觀先生藏錢
石程門酬唱我在傍惜無一語如癡羊何時躍冶金星祥宛然
小篆騰鸞鳳慮僂猶想晉國強風氣可溯皇哉唐其時八月天
已涼蟋蟀隱隱催縫裳定煩布帛齊短長豈慮指黍差微茫三
枚分贈數恰當淵源闕里同宮牆阮咸神識今侍郎來籌轉運
於東方乘法因法減遞商倉氏庾氏弊早防爲

國利賴民胥匡歸觀我

后朝明堂退與夫子論文章吉金貞石陳兩廂秦權周量同煌

煌蟾蜍照耀介壽觴頌以千古斯無量我詩敢齊子建行附書

柳當宿券償先生去年八月十六為八十壽辰
曾與生前書即用此題賦詩為祝

人日五言仙館詩集

問訊梅花第幾回恁教春到不銜盃堂開勝日詩人集山抹微

雲女婿來用少游車致書在婿注
小兒能詩亦與此會護世城中分美膳瑯嬛洞裏選仙才

登高好訂城南約莫待斑斑雪點苔

燈戲行

軒軒磴磴廣樂庭灼灼燐燐火齊屏神光離合接瑒冥不知皎

月中空停是時觀者以目聽搖搖用覽列炬熒一隊兩隊行殆

辨千影萬影同娉婷回旋若有風生櫺神官出盤螭夾輶霓旌

經館來亭亭赤燦一怒聲裂霆亂擲飛電鏘流鈴綠煙朱爛紛

忽又細響鳴玲玎元霄十棒敲春醒川兮城開簇妙齡纖

手色色蓮花拾明燼際息含恡惺倒投跟挂慘不寧魚龍咫尺
迷晦暝鯢鱗詭甲承使令燃犀炯炯無遁形燒尾隱隱騰魚腥
是誰巨載浮滄溟霞標高建照面頻蟬珠螺貝孔翠翎旁唐壽
珂堆瓏玲一歌得寶揚楚舫旋換水調嬌吳伶撥絃火鳳催薦
酈金迷紙醉誰尹邢鼻觀恍發僊壘聲莊嚴如履佛所廷珠眉
火目心清冷說法未了天花零鬢貴空羨華嚴經茶毘誰護服
匿病洪爐卅六飄秋螢我聞如是爾曷聆玉樓十二空敲釘六
光明只靈臺扇天雞叫落銀河星東方杲杲生絳萍

江上望春

東風猶是故園情戀戀垂楊塵出城煖雨一帆人未到綠波千
里水初生鷗鷺各有盟言在花月行催樂府成回首尚愁江北
路幾家安穩課春耕

開平王孫種菜歌

戰功已歇采石磯江聲浩浩催斜暉王孫舊夢流不去菜花蝴蝶成團飛金陵本是承恩地富貴前朝雄甲第金缸二等冠通侯鐵券幾行盟後世淪落變後復何言敗篋徒聞諫稿存白日不醒南渡醉青衫鬢吳孝陵痕桃花扇冷春燈落因鎮蟲沙風掃擇身小江魚腹裏臧命還白木櫬邊託煙苗雨甲絲披紛老屋遺茅似昔分策蹇無人知故將牌繮行婦話前勳前勳亦是中山裔白髮同爲階隱計君伯長褻妾短褻君如僧帽僮稚嘗白門似換青門來菜畦任佳風畦猶此中但莫茄花開吁嗟乎客魏一亂國已睡馬阮再亂劫乃灰王孫王孫生亦哀銅駝翁仲皆蒿萊故宮但長瓢見菜誰憶將軍大樹才

屠琴鳴令儀徵於吳興買桑秧一萬二千本民栽植

以興蠶利并賦詩三章示之其勤民也至矣依韻以和
且要其成

民救國難勸民俗亦易諧三復諭民書習之久自佳誰云蠶僅
執難語珍豈娃且謀桑土興且勸蠶事他墻下隙可補春及候
莫乖雨餘枝似濯風屏葉若揩曉看陌頭色生意盈吾懷一幅
災興圖換在江之涯遷地信能良毋秋穡踰淮

鎮州隸揚郡利競魚鹽沃每弛衣食謀但逐錢刀熟黠盛而偷
生罕有蓋藏足自從屠侯來斟酌本計復木縣去歲栽紡績已
成俗桑秧冷歲買意豈在羅襪要闢勤儉源待此根葉下他日
秋風裏鳴機響萬軸蔽帟合畝石長生須報東十畝願受屨閑
閑桑者屋

漸喜淳風起行見奢俗移如遇長桑君能就元氣治既得衛其

裏益復榮其枝有农民不寒有桑蠶不饑不惜辛苦力輾轉謀
瘡疲潤之露雨零煦之春日遲離離新堪生飢鳥皆取食爾民
賴生理曷不努力爲昨聽鴟音革和鳴泮水湄毋誇拔薤力願
調種桑詩

壽阮雲臺漕帥五十生日五十韻

鄴侯除鎮日謝傳領揚年在酉知逢歲生申合祝延名方黃紙
待聞久黑頭專藉副蒼生望重勞劇在肩黃河春水動故里福
星連杭柏輪誠急帆檣轉信便千屯分衛領六米別書編吏蠹
蝻蝻剔倉儲雀鼠填前轡平準借本計度支權算乃窮周髀功
兼及濟川初心朝野繫別袂暑寒遮記下蓬山節來成浙水緣
一條提玉尺十載駐虹旌心厲冰銜凜身爭壁立堅愛畫平庶
獄津路樂商船護水規魚長培堤安柳眠湖光展圖書海國失

戈鋌該念通經貴因教識字先鄉從鄭公問說待許君宜吃
專祠建醴醢古義傳太師通訓誥小學證旁偏俎豆羞之瓠生
徒絕用綿禮羅資采獲津逮溯源淵每轉敦耕轍來開煥講筵
舊聞重發覆新附爲繩愆快意斤揮匠從心埴在甄高才塲自
屋餘味戀青瑣儒術斯明矣書城信屹焉其風襲汲上厥化自
蘇沿去覺春猶暖來如月又圓公以丁丑奉詔歸至戊辰軍來撫浙但看棠蔭舍肯使
詩爲田自抱寬中美何關物外牽撓波原不濁觀過可知賢
聖鑒如天徹臣心已水前平生只忠信小謫亦神仙秘府原
天上書燈又眼前千秋資最善一席供丹鉛燕許經綸手常楊
巨靡篇精靈金躍冶文采筆如椽在昔羹嘗有於今飮割鮮補
完貞石逸搜剔碎金鑄八代衰斯起三唐製獲全文昌耀東壁
聚戟下南大節恰過燕九辰當次壽躔格逾梅皎潔姿仰鶴翩

翻比德羊還杜論年倥與錢吹調齊奏曲頌曾各騰笈待從西
清早聲名北斗懸置身應鼎鼎冠集本瑯嬛會應金甌卜靈椿
耀

日邊

輓江文叔

天道偏摧有用身
幾餘展轉念勞薪
曾培世德酬

君德為徹塵因信佛因雁戶幾煩酬後效虎賁翻累念先人

父橙里先生與余為忘年交君以
余幼似之每指其圖中小像為語
西園太息從前曾花落鶯啼不見春

招集康山令其
友高適庶幾其

一春濃雨爛苔斑
巖壑依依此往還
華表功名歸白鶴
狀元絲

竹牘青山

君所居康山以康
武功寓此得名

浮生可惜如雲幻
塵世無如此夢間可

惜故人詩屢校不曾傳
播到人間

君刻故人方字畫
集屢校而未刊

竹西亭會飲同用坡公送李博過嶺石刻詩韻

歌吹豈不佳過耳如風蟬林亭豈不勝轉眼迷雲煙所重龍蛇
字摩崖揭苔巔高情懷處默健骨追誠懇惜哉竹西遊誰酌玉
局仙我有古人慕亦企今時賢綠陰薦餘果清酌啾新泉遙望
南徐山髻鬟露幽娟志云竹西可舉
望南徐諸山時聞黃樓笛羽衣吹翩翩斜陽
一鷺矯暮色遠蒼然

浴佛日鄭秦川中翰宗洛招集義實堂觀牡丹分得隨

字

羊燈懸綵幔蟻醅搖金卮年年看花會今歲寒較遲行交麥秋
候頗失穀雨期輕陰與將護天特愛惜之酣酣似過卯蜂子相
抱嬉隆隆正當午狸奴圓眼類淨洗寒乞相并謝脂粉施宛如
七寶臺端坐天人姿上覆樓閣雪下承琉璃枝輕鸞八百導采

女萬億隨近侍亦菩薩圓光卽毘尼請以佛生日來作讚佛詞
讚佛卽讚花願花勿復疑富貴總一例但讀華嚴知南唐書仙神傳
曰陛下不讀華嚴經不知佛當有耳

題張太初西冷月泛圖

一環欲斷長虹連軟風搖盪琉璃天老魚逆月出波際獨鶴叫
雲盤樹嶺花神廟前繫孤榜水仙祠畔對寒泉鐺笛真教吹入
破抱珠龍正深潭眠

題少懷圖

眼前皆赤子懷者仗斯人本分儒門願婆心釋氏因笋生根抱
釋具拆核藏仁會得扶扶意方知大造春

題章約軒先生秋林講易圖遺照

商音激響明湖風叢叢老木開秋容履霜方戒堅求從往復乃

驗天心同因推卦畫究始終可洗彌曼清談空用繼絕業追司
農淵源九葉花樹宗善易不易理則融宣示鐸舌驚凡聾嘉二
子者聽以聰如木有節堅受攻微言往往賴笈翁能以精理相
彌縫鶴鳴子和天之東惜我未得來從公嗟三十載鬢雪濃先
生已返蓬萊宮三子墓草尤匆匆一瓊邦上羈孤蹤打門失笑
唐子逢示以此卷牛腰豐韻華隱約青冥濛小亭宛插菰蘆中
起榮祿畫摹更下我夢欲到雲爲封未濟敢咎其道窮所愧學
已遲張充到今其下猶阿蒙鹽語或者他年通

繼蓮龕觀察吳山祈晴飯後登大觀臺明年過揚以詩
屬和卽用原韻二首

江湖影裏據身高氣壓魚龍未許豪催到官符三雅酒補來文
字五經糕報霜已見當頭雁轉粟新迴銜尾艘杭稻今年占更

好尖團一例美雙螯

丹臺頂上物華新
節屋先聞駐困鱗
人愛長官稱佛子
君貪餘事作詩人
萬家煙館雙眸遠
十廟香通一念真
歸去旌旗懸落日
天心早爲掃霾塵

得那東甫制府謦知奉

命勦賊滑城渠寇就擒凱旋有日賦寄二首

已報

天戈指還勞使鉞臨
兵威殊慘淡將緯自
清森窟穴逃何及風
雷過真禁平生孤矢
意飛動激衰心

白日刀環上黃河
鼓角移卽看除盜賊
尤要慰瘡痍衆議籌
共急人情戢亂宜感
恩惟饒尉各有父兄
思

洪桐生太守約同梅花嶺春酌司用放翁園池賞梅詩

韻

悄披榛莽路先春略具盍觴味最真翠羽已傳新歲語白頭猶

賸舊年人

余去年一病幾危

一漸榮草木羣生樂得洗兵文大造仁

時清區聞

道太平耕鑿好早催社鼓祭田神

題羅龍泉明府

滿懷生意圖

此中豈有東風俱盎然萬物皆昭蘇蓬蓬鬱鬱不自覺能令懷
抱生歡娛聖賢禽魚有妙契飛躍一理無差殊靜觀上下亦何
有活潑潑裏中淵如如君讀書稟家法運以經濟爲通儒揚州
繁華已往事力挽元氣其多乎郎今二月土膏動原野萬頃青
紫紆黃鵬三請出門望不見歲寒衰朽株陽春有腳無不到豈
獨百草承權輿中牢之雉九江虎仁心感召良有諸胸中隱隱
真意出眼底歷歷蒼生呼往來曾不舍晝夜浩蕩直欲通江湖

塵埃洗條無此子一點塵毫見畫圖

翁覃溪前輩書來屏以詩贈并以所刊詩集見寄賦謝

十韻

密札頻頻寄清詩續續頒瓊瑤承美報雲樹想蒼顏夫子文章
盛名流壇坫間程門張繡同質証桂枝未此互躋攀各有前緣
在何曾舊稿刊溯源論老杜接踵見眉山北極心常繫南飛夢
已還多情承繼繼何力激愚頑照有燈千點思之月一彎丹梯
兼翠壁相對即元關

衛滑賊匪盡殲從征將領蒙

恩皆加爵賞賦此志喜四首并寄東甫

滑臺遺壘戰爭餘重見王師有邊除負固豈容逃狡窟破圍頻
報縛凶渠韜鈴臨事

辰謨稟兵甲傳家腹笥儲五等爵頒知不忝上公喬木舊門閭

九霄澄霽樂新年隱隱蒼龍瑞協躋過賤蟲沙埋劫地先聲雷

兩洗兵天師行安帖如衽席勳旋奏所過安聖心恩煦凱入歡呼過市屢父

老同來聽露布萬家鼓打太平圓

詔書深痛感淪肌特奮丹誠答

聖慈辛苦肯教停汗馬虛空真見下神旗門平歲時屏顯福庭

君王破格酬庸日臣子驚心受

寵時

恩被九原尤異數不須家祭告翁知功成特命告祭文成公墓下尤異數也

阜此落拓坐衰翁忽上雙顧樂意融融盡遊氛三里霧送來吉

語一江風詩吟擊賊心猶壯歌學吹簫唱未工慚愧龍門山下

臨政羅將相比王通

洪吉士錫諱屬題其遠祖太常公遺像三首

森森疑正色隱隱矢孤忠天意防陰雨臣心固疾風恩重三錫

寵誠望九關通幾載留都去先成保障佳明天啟時告玄身并孝子後

封章舊未發事往想鱗批僅不前星掩何時故鬼躋觚稜看最

近國步忽終迷尚有簪餘筆中宵氣作霓

翠木已如此先生道益尊集無文字濶名許黨人論忠孝傳何

忝雲初演已繁千秋鄭公笏棠蔭至今存

壽韓旭亭封君八十

勸翁滿泛金巨羅樂哉今夕蒼顏酤張酺上壽就私第坐使羅

衣繫繫阿

朝廷齒德加恩厚培養驪源世希有一品衣邀

御賜新五千卷應家藏蒼春風火樹移兩廂清絲脆管鳴高堂

冷陰閣中舊鄉舍歷屆爭看如堵牆是時苦陰月斜入萬樹梅
花香晴曉南飛一曲笛聲急仙骨珊珊吹鶴立蓬山已報羣真
集左呼元真子右挈石湖仙綠波軟瀟蘇臺邊亦思遊侶白頭
在當年同踏西山煙致身山水無非福腰腳先須勝情足振屐
風輕樵步追聽鐘吟健僧樓讀幾載長安別酒壚一般蟻菜竟
歸吳郎君官貴登三府老子風流慣五湖

天書寶墨今蚤下歸展烏私堪慰藉但將

異數話茅茨燭膩銅槃坐忘夜吳中勝事不尋常范湖賜後殊
茫茫何如此會永恩長兼珍之膳出尚方羨翁健啖齒更
強壯容歲歲如林類直到期頤樂未央

聞東南勦賊後復命還朝卽赴直隸制使任再寄

四十韻

經國資文武宣勞在翼爲恭聞洗兵馬怡報返旌旗述職逢春
及

臨軒動

帝咨絲綸承

密勿酒醴洽

恩私蕩蕩前程啟駸駸四牡馳不辭畿輔劇願答股肱

知地位誠親切封疆亦愼巡山川雄鼓角風雨颯靡靡北道歸

提控東郊用保釐撫循吾輩職匡濟古人思伏莽防牙角虛名

核斗箕神犀燃自徹明鏡照無疲但要除禾蠹毋煩問繭絲平

情皆教代隨事要維持草得風行速蘭因醴湛宜龍將陸馭

輩得洗治使者方開幕書生儼下帷卽看升鼎寶猶是用毛

雖憶我趨賓館曾陪肄禮儀隆隆承祖德有朋友成公宛宛見孫枝綺

歲驚文采高才謝勒馬看化纔杏苑斫鱸已蓬池銅奏相如賦
簫催白石詞蟬柯滋薜藟魚藻樂紛披香火緣非淺星霜序可
追出關歌柳往分陝頌袁杪昨以平妖亂重教振節麾來呼蒼
兕總去想裘衣垂衰年清平日高堂壽考時

恩波先日下風土熟燕陲勲業圖行繪登庸鉢久貽迢遙思贈
策繾綣當臨歧齒髮吾衰矣關河昨夢之金臺停夕照潞水放
冰嘶古渡懷津逮青苔咸履綦退將隨六鵠謁悔失三醫老馬
渾迷路雄雞漸憊犧一身愁破碎半體惜支離徒有青雲羨應
煩舊雨悲金篴頻刮自幸勿報書遲

酒市杏花歌

小樓陰積餘寒連濛濛春闇清明煙當墟卓文嬌不得一枝濃
笑流嫣然生香活色天所賦畫本遠過徐熙前牧童指點入村

路青窻已見招花邊看紅有自各選勝杖頭來解沽春錢坐園
芳草薦盈并行傍錦幄窺婢媚酒波倒捲入花裏花得酒氣開
逾鮮流雲淪淪墮波軟碎錦活活從風旋傳籌但檢好枝折抱
甕便就香陰眠老夫久與此花熟莫笑醉放春風顛慈恩簪帽
幾時事記躡飛鞚搖歸輶清銅暗換衰白入花亦太息非當年
曼陀宴罷雨其雨一羅人去仙乎仙余乙未狀元家純甫探花沈曾景即以是詩相謝阿婆爲
喚春夢醒參星正昭初昏天

鄂不詩館送春

鼠姑開到綠陰天人爲東風設餞筵折柳也關今日意落花未
了故人緣馬蹄陳迹餘芳草闌角斜陽已杜鵑我有棣華無限
感起巡衰髻爲蕭然爲前歲仲

題華山碑集實仲符齋中作

此帖見自萬墨齋故家遺物商邱來中郎隸法稱第一正變離
合靡不詩延壽重動年特紀六經文字正定纔鴻都車乘日填
塞此石想亦爭磨指璫錯響落神髓出金天光景同徘徊當時
經祀致肝蠟典禮肅穆訓恢哀哀君孫君政蹟美威格昭著豐
年諧杜遷市石郭晉察椽仇奔在名取材刊成豈少萬本楊惜
哉變滅隨煙埃流傳海內僅三本四明華陰緣已乘此本又聞
本成邸盛寶傳賞惟平臺我藏冬心舊摹軸醜怪疑未經銘款
曹全流麗更承古朔明月芙蓉根甚滿堂燈燭透墨采漢上本
喜今朝開天一開一之春自已堂摹可雙鈎僂兒孫同此一證
照萬古嶽色青肱肺淵頭景自從此證許捫參井窺斗台鐵鉅
隱向龍背度玉井儼看蓮華回頂形兀突起方寸元氣包絡通
九垓山川文字神與接虛至九勢喘崔嵬

壽沈梅村七十

烏程港口夜航催二十年正幾往來書到名家先指鬬話逢老
伴易顏開梅花自熟遊仙花荷葉應添上壽盃同輩問誰身健
在一筇扶上鍊丹臺

亦推文苑亦儒林循吏聲名衆愛深至竟寒瓊惟食視何須宦
裏問歸金訟堂早換絃歌局棠樹猶濃父老心却在南飛腰笏
奏年年鶴夢穩煙岑

有約西溪願轉遲閒十畝且爲家紅泥夜圻南樽酒綠簪
分顧渚茶但向僊人求澹泊却誇詩卷卽生涯坡公底事當腸
羨誓到江神嶺已華

薜蘿遠記磨牆匡弟轉東銓野水長眼也知同爪卽勞心猶
是爲書藝癸君登得參齊語君者公稱人解新成誤我刀圭累楚方

興沙行不得往攜老瓦盼躋堂

題錢梅溪

護碑圖

吳越錢文穆王神道碑立於石晉天福八年。其碑在州縣形正星山下。族久刻無梅溪為文穆詩。其

九世孫將捐數石以助之。今其族入教為國而賜金題詩以識。

玉羊獻瑞銀鹿開闢

承家

龍羨王累代忠且勇長興

石天福仍

武肅王廟碑立於唐長壽二年

威定霸神式憑羨王繼世名共稱龍山

南去荒江麓剔辭刻苦文不剝羨王有後亭為繁君不見西湖

蕩蕩江潮回先王功德當時培但願青碑長共青雀鬼錢堪我

亦先疇食護視敢誇詩有力但揭吳音歌亦得

哭張船山三首

清夜虛堂共一尊

前去年三月詩開壁上海招魂蒼茫實有平生

感慘淡難辭獨往言科第何情半我輩高曾有契逮諸孫

余高祖在交端公幕中後曾祖秋圃公亦與君曾祖

詩遊遠東交羅至今五世不可謂不久矣

却思斟酌橋邊水鳴咽遠應到

九原

老高異門
對酌橋

廿載迴翔禁地寬儘將詩酒去應官一塵敢謂承明厭小郡

方知保障難仙佛豈能逃劫數君謫晉
仙佛事文章以後歇波瀾友朋畢

竟關高義何怪馮生鈇難口故君歿皆預小
葉先與君之經理

將離花又繞欄開那不離腸斷此回孟裏奪將明月去眼前捲

過白雲來一生書籍交姬付君身後無子惟
有三女未嫁萬里關山老母哀如此

驚才僅中壽問天何苦更生才

屠琴陽尊人蘭渚七十壽詩

我與共躋堂江風潑酒香興歌新樂奏愛景少年長白髮容逾

壯蒼生計最詳慈心通一縷佛祝壽無量

我讀屠郎伴庭闈夙所教如傳示兒帖只是節民育及此時和

樂兼之也晏溫銅山鋤藥去煜煜獻雲根

廖復堂都轉自龍潭歸見示百菊溪先生舟中所和歸

鶴亭詩卽次原韻二首

亭成特志鶴爲名喜報來程憶去程雪夜關山容小別梅花消
信續前明幸酬佳客重相見得奉清琴文此生珍重諸賢共吟
和大江東望不勝情

相呼相和換離聲無限纏綿聽一鳴振刷羽毛霄乍返光輝亭
榭寵先驚春遠舊似翹肩驚巢近聯如接葉鶯昨夜黃冠聞入
夢銜環知答主人情

題將伯生

招弟

蘿莊圖四首

故山猿鶴不須猜難得名園畫裏開一路綠蘿聞犬吠有人知
訪勝生來

繫榜任城共此尊羹魚雪藕話黃昏廿年太白樓頭樹剩與西

風認酒痕

涼水荒波照眼明
冷官已覺可憐生
桓山一鳥啼何苦
却送蕭蕭白旆行

歸來何處覓蹤跡
雲山未許畱啼過
寒鳥吹過雁好隨明
月下揚州

題家蘇橋湘豐樂溪園八首

豐溪

溪上幾人家
沿流水如簾
年年蠲稻肥
不用田歌賽

南山

岩巖望翠微
長養松千尺
時見老鶴樓
如隔太古雪

釣雪臺

釣雪人不見
釣雪臺可尋
梅花吹東浦
寒盡老魚心

綠繞廊

魚戲各殊方中央簇錦粧荷花亦招手風露此間涼

遲雲山館

黃海四千仞蒼龍十萬羣接天環珮響來謁雲中君

過溪亭

客去屢回頭客來還息足屈曲印文流篆此溪幾曲

十二樓

仙人十二縷縹緲望雲頭丹梯渾可上直踏蓮花遊

北閨

爲索梅花笑思尋白酒沽忍寒臨閨立飽看北風圖

有正味齋詩續集卷七終

有正味齋詩續集卷八目錄

錢塘 吳錫麒 聖徵

韓江酬唱集四

題楊召林

景眉

渾西別墅圖三首

輓趙雲崧先生二首

平山堂觀荷作

梅林洗象圖三首洪桐生屬題

題范葦舲

正庸

西湖春泛圖三首

諸撝堂方伯

以謝

七十壽詩二首

翁覃溪先生蒙

賜二品銜重預

恩榮宴恭紀四首遠寄韓江卽次原韻奉答

題程一葵衡臯引秋圖三首

輓戴雨峯

潤

明萬仁甫中丞

象春遺像

曾賓谷方伯夜泊天門山用太白江上寄元六林宗韻
以詩見懷卽此奉答

讀百菊溪先生九日閱武來揚詩賦呈

十四日招同李小松京尹

劍簡廖復堂都運施琴泉學

士均賢仲符觀察洪桐生汪礪疊兩太守顧澗賓上

舍

廣新

冢山尊學士集桃花菴作展重陽會以白露

暖空素月流天分韻余得白字

湖上過後山尋秋二首

閏月菊溪先生復以郵餞來揚感賦

寄阮芸臺中丞江西

爲家山尊題畫二首

十二月十九日東坡先生生日同人設祀于桃花塢

體賦詩余得七古

題繆芮橋淡蓬萊仙館圖

題歙溪上人小像

宋徽宗雪江歸棹圖

吾杭小雲栖作放生會來宛子詩因用坡公岐亭韻以

寄之

題嚴鐵圃七星巖圖

題鄭維宗城念橋讀書圖

新正寒甚賦寄黃相圃

沈梅村有寄懷詩夜來夢以詩答醒後約略記之即書
以爲梅村問

聞梅村病即用其寄詩原韻訊之

洪桐生以上已後一日游雪山閣用少陵文章有神交
有道詩韻見示時桐生新藏畫于此也閣在今平山
堂法海寺北

題張舸齋武夷九曲圖

題屠琴塢畫十六幅

題焦山雪齋上人
達真竹嶼吟秋圖

有懷故鄉節物二首

題張伯治金雀全勝圖四首

七十自述八首

有正味齋詩續集卷八

錢塘 吳錫麒 聖徵

韓江酬唱集四

題楊召林景會溍西別墅圖二首

垂山西去綠洄洄曲引林泉畫本開想見風標公子好一條白

鷺水徘徊水經注淮水又東北溍水注之又東北注淮俗曰白鷺水

依綠園晴墨吐華幾番放筆走龍蛇腕中真有羲之鬼未許眉

公祕笈誇陳眉公舊藏右軍六十帖今歸君處

評書評畫復評詩二昧都能箇裏知我請更參雙井法落花風

裏品茶時君園中產茶二株味特甘冽

輓趙雲松先生二首

歸田歲月不因循撐拄千秋仗此身夢老一婆談富貴詩拚全

力注精神傳衣何敢論祧廟

蘇與先生故有淵源而先生自謂已在從祧之例

籌筆頻教洗劫

塵

緬甸臺灣先生官內襄軍政

今日名流誰老輩讓公出處作完人

綠楊城郭一尊同

說史談經論最雄慚愧替人函丈地

公先主揚州安定講

席後余繼之今已十餘載矣

遲回弔鶴隔江風勞勞白髮偏憐我莽莽青山竟返

公惆悵顧塘橋下水無言空咽夕陽中

平山堂觀荷作

平山山遠水接天五月已放荷花鮮居民誇是邵伯種至今鷗
鷺環蒼煙我來卻憶詩人曾歐九堂開盛冠蓋觸著花香嗅卽
知隨風盪過紅橋外迎人雙鷺雲搖搖無數花枝隔水招美人
羅幃自來往不信空江易上潮耳邊但聽喧歌吹催得珠璣成
串墜手弄湖光身亦涼日斜忘倚欄千醉人生行樂但及時何
須日日倒金卮野生菱芡無收處荷葉荷花空所思我本西湖

人慣唱采蓮度自從瀛洲遊雲車逐飛步澄懷館裏老輩多時

約勝侶尋花過

余丙辰蒙

恩入

上書房

賜居澄懷園地多

雅存騎鯨老

船死天邊風露都消磨卽如消夏灣頭轟醉日霞旌共擁羣仙

出

億癸亥夏與阿雨窗等味莊諸公白公祠之會

玻璃風送醉魂歸水暗波荒莽蕭瑟舊雨茫

茫夢不成可憐憔悴殢無城亂蟬聲裏殘紅在畱與衰翁晝晚

晴

旃林洗象圖三首洪桐生屬題

崔嵬如見雪山移蒼兕青猊竊肖之不是詩人全力借誰知香

象渡河時

朵朵蓮花蹴踏餘掃除塵垢卽凌虛香林歸去阿難熟願與同

參貝葉書

蘇漢臣摹真本在崔青蚓亦佛香供寶瓶錦罽朝元會憶殺東

華午夜鐘

題范葦舲

正庸

西湖春泛圖三首

濟世書曾試古方相人術亦擅青箱花時又要尋詩去卻笑騎驢醉尉忙

繞柳縈花日幾回石湖風景屢相催此中別有勾留處莫作銷金鍋子猜

已分坡公是後身南屏金鯽也畱人他年儘辨頭銜換容我杭州署老民

杭蕙浦先生自
稱杭州老民

諸撫堂方伯

以謙

七十壽詩二首

四十年來蕊榜同勞君辛苦奏膚功秋森雪鬢精神健壁立金隄保障雄樹愛甘棠畱召伯堂將綠野待裴公多情乞與蒼生壽澤靜荏苒歲屢豐

清秋笳鼓助依依但論循名世已稀
小縣絃歌尊士氣書生朝
恩勝戎機卽今節鉞知何羨如我
衰慵願已違只有
聖恩須報答鶴聲未許唱南飛

翁覃溪先生蒙

賜二品銜重預

恩榮宴恭紀四首遠寄韓江卽次原韻奉荅

形埤重被

御爐鑒鈞奏還邀

帝所經內翰夢回春晝永謫仙詩損大羅聽名留雁塔懷朋舊
身過龍門見典型此是文章華國地蒙光常助大燈書

杏花燕子幾回催難得先生白髮來周甲共觀前輩禮扶輪獨
仰

帝鄉才

吾鄉梁山其為才則主申一國其體處今有月九十九有

羣經輯後名山重

先生輯十

至盛功

專集編成大雅

推成初集六十

如此文章如此壽功名何

必種鈞台

曾殿靈光宛見之

先朝故事說能知太還又到丹成候三讓偏富月滿時老輩頻

眉見面接吾師事采錫山思如公定是長明火隱隱薪傳一脈

窺

絳帳相連尺五天卻煩妙墨青雲煙似經密葉重花纖豈效東

塗西抹傳聞苑舊遊增鄭重玉堂新譜致纏綿祇愁朽質難

待獨問真源一惘然

題程一葵衡舉引秋圖三首

颯然秋氣雜苔斑不盡蒼蒼莽莽間領畧清寒須小住丹黃十

里富春山

燈火沿流羨勝遊
今朝名士會揚州
二分明月紅樓近
手把芙蓉坐上頭

江湖人望濟時才
眼底旌幢隊隊開
露洗蒹葭天在水
只愁饑

雁引秋來

時江潮苦守

輓戴雨峯

潤

一夜西風送早寒
暗催流水激哀彈
關心白髮憐吾輩
過眼黃花剩獨看
杜牧風流經世慣
陳登湖海此才難
遺詩莫向鑾江讀
仙掌峯頭夕照殘

明萬仁甫中丞

象春遺像

功名嗟未造
氣節重生平
如見青蒲伏
頻聞白簡爭
風波消世
事
執掌樹先聲
安用狐狸問
霜威颯颯驚

曾傳七十疏炯炯見興亡愛國關忠孝憂時露激昂歸猶舊勁
草氣每奮神羊至竟遺詩在時能激電光

曾賓谷方伯夜泊天門山用太白江上寄元六林宗顏
以詩見懷卽次奉荅

豈不積思端官之妙超脫大江隔千里一夜隨潮達馳心儼霞
上繫纜猶未迢迢揚州夢易誤雞蟲昭了了詩人懷寧阻煙
水闊蒼翠忽到眼雲氣動如活方寸亮勿渝若華快新綵如挾
天門遊相思慰饑渴人生敦古歡肯爲世味奪二分月已來願
照兩顏豁

讀百菊溪先生九日閱武來揭詩賦呈

臨江木落閃旌旄節年年使者勞校武那聞臺戲馬閱時還
認地登高逢池夢接三山氣誦屋心懸午夜清一樣胸襟亭子

會真教孤負菊花糕

十四日招同李小松京尹

鈞簡

廖復堂都運施琴泉學

士

貴仲符觀察洪桐生汪礪雪兩太守顧澗賞上舍

廣圻

家山尊學士集桃花菴作展重陽會以白露暖空

素月流天分韻余得白字

黃花媚餘姿落葉馳故迹時維重九過風外引涼幘僧廬近可

通犬吠一門關拂衣師已去

傷思

種竹路猶昔我慚濟勝具登

高俗游屐念遠感龍山梵空嗟雁澤祗愁糕酒歡難佐稻梁積

豈知仁者心豫事妙經畫

復常和博以

如是卽化城其究乃安宅高

情敦古人勝踐慰今夕燈火歸較寒影滴秋星白

湖上過後山尋秋一首

黃蘆老盡竹籬斜別去僧家訪釣家寒到草蟲無一語解燈影

裏捉爬沙

醉人關檻幾曾游野水荒涼自在流只怪白鷗眠太懶不知我
更懶於鷗

閱月菊溪先生復以郵餽來揚感賦

白髮勞臣心事催蒼生無數眼前來過河肯任枯魚泣謀野先
紆旅雁裏雲送二分明月豁春添一路化城開會須飯甑家家
備雪壓年頭樂意迴

寄阮芑臺中丞江西

章江近接淞江流同是蒼生仗熟籌脫手風雷除舊氣

公氏任卽
除邪教奉

嘉慶
有

立身樓閣肅清秋封疆任賴詩書報台輔

恩憑肺腑酬我念甘棠知愛敬望公終始致綢繆

爲家山尊題畫二首

荒林葉老脫餘丹獨立難禁故衲單昨夜破窗風雨過泉聲如
話石頭寒

如此荒寒到已遲西風騷殺怎禁持板橋流水烏棲隱怕見頻
搔白髮時

十二月十九日東坡先生生日同人設祀于桃花菴分
體賦詩余得七古

魚聲一曲南飛奏蕉葉三斟爲公壽此間前輩仰歐公天上星
文動奎宿思公去已七百年不須磨蝎感從前江山文字緣當
在月自飄空雪滿天尋春難得官梅早似待公來題最好白髮
門生往日情相逢但怕髭翁老一年最憶在蘇齋曾見華嚴世
界開認百東坡飛影入瓊樓玉宇照崔嵬
辛丑在東坡先生蘇齋時
同人推公像成集於此
年恰返西湖上許我吳儂得親仰玻璃風起浪搖搖捲起封雲

三萬丈

王皮冬集西嶺廟上仙有開湖之誌

今喬相對在無城多少詩朋續續迎一路

清歌聽不斷但聞柔艣半空行先生蹤跡當年熟祭寵請鄰來

不速晶飯仍分白糝羹僧厨亦佐黃雞肉會得闍黎一杵鐘桃

花飯後也虛空幾時入畫圖雙屐何日從公種萬松人生春夢

都如此笑我歸來十年矣一舫飛過大江東說與江神應冷齒

卽公紫府吾豈知祇應憂樂繫公思請將歲暮烏啼怨代作迎

神樂府詞

揚州時在官中

題繆芮橋

後

蓬萊仙館圖

翠壁丹崖盡本開此間作吏卽仙才只防公事來關白惱亂哦
松興一回

袖中東海如拳在簷底銀河作綫看邀得白雲留得月者般樓

閣儘高寒

幾時雞犬便將家不用重尋石
漏砂願祝來年種花早萬株紅
接海天霞

題歙溪上人小像

素師手腕不尋常莫怪煙霞底
自忙扣著布毛還說法綠天庵
裏又開堂

孤爬鏹子是生涯四大爲牀莫
浪誇爭得蒲團安放處量來纔
殼一袈裟

宋徽宗雪江歸棹圖

茫茫如入宣和夢水氣噏空天
欲陳畫中先有渡江人片席孤
張北風送平波二檝羣山浮微
聞音響分中流神霄仰睇極高
處銀鸞白鳳紛來游此時真氣
彌豪素夫縱神姿畢流露隔樹
蕭蕭疑過影浮雲杳杳渾飛渡
精能自謂摩詰同遠岫明滅皆

虛空中原大勢河作帶惜哉天塹難爲雄曰歸曰歸歲行暮其
涼其雱先集散民力免南苦孰知墨痕點點塗哀雁曾公跋尾
筆硬盤吁嗟舟楫言之難愁雲萬里迷黑白蕭瑟安望江山完
大清樓已消煙霧玉躑金題散無數瓊筵青城去不完一寒直
到龍沙路傳看天水押猶新南渡於今跡又陳風雪西興聽喚
渡冬青影裏哭遺民

吾杭小雲栖作放生會來索予詩因用坡公岐亭韻以
寄之

吾慕太常齋鼎俎謝腥汁斷齋香自清拍甲露猶濕懷彼飛躍
姿所樂生趣得物物各有情何苦煎太急長養鄭國魚哺飼北
隣鼎池通活水環樹積翠陰羶癩總一體愛惜如保赤因推
慈悲量重爲我佛白殘更每放手自謂岸儒憤可憐一路哭有

喜過河泣園丁昨挑菜來補山厨缺適逢今朝會作詩寄諸客
福幸不唐捐有約早來集

題嚴鐵圃七星殿圖

帝賜於此會萬古結氤氲象緯光芒逼神靈環珮聞遙通天上
語如對雲中君石室題應在煩來剔辭紋

題鄭維宗城念橋讀書圖

白雲剩在夕陽西老屋扶疎認故棲橋上清霜橋下水十分寒
徹夜烏啼

同里屠郎傳交不疎鳳池失卻泊恢如待君縣譜他年讀一議
瑯嬛未見書

新正寒甚賦寄黃相圃

垂老風塵夢亦難相思聊復話前歡梅花人日依然白春水西

湖只自寒況味久教疎翰墨心情無奈付蒲團臨流似有煙波意待作依依柳影看

沈梅邨有寄懷詩夜來夢以詩蒼醒後約畧記之卽書以爲梅邨問

忽渡春風到相逢月正晴詩情渾自遠酒路不嫌生容易清明過依稀楊柳迎似聞煙柵外更定一船橫

聞梅邨病卽用其寄詩原韻訊之

病根我累妄心加煩惱君休誤睡蛇天借浮生容說夢事逢過眼且看花靈丹原許詩人乞大事寧關佛力除一樣而寒風又猛年年無恙是貧家

洪桐生以上已後一日游雲山閣用少陵文章有神交有道詩韻見示時桐生新藏書于此也閣在雲山

掌法海寺北

斜陽易綠擁坡道上已纔過者透早多小紅橋歌吹聲相招踏
遍華茅草雲山閣上人獨來卻倚萬竿對清臾自憐主意清天
付敢爲蒼茫鬱孤抱傍簷正人柳枝插隔竹已聽茶臼搗陽春
幾日換水霜行變新姿振幽橋聞君近署小萬卷蠹跡寧其羽
陵老華嚴富貴悟前因特借伽藍護持好吾家目錄數西齋只
恐縹緲君壓倒此番珍重龍象力他日收藏子孫保與酣日落
東風來名花與我同一不飭香粥白樂今夕玉躡金題安在哉
文章各有古人在和壁那用爭梅苔勸君莫發千秋哀

以解思慮煩
醫藥戒之

題張阿齋武夷九曲圖

巖梯陡接石戶扃卅六峯頂羲娥停懸流下注如建瓴悄乎一

道通蜻蛉其時三月春雨零起熱捲起龍公腥干髮萬言過若
瞑臥游十日眼不醒歸來夢亦思娉婷是誰畫理新發劍能爲
攫出胸中青中間天柱帝所延永簾百華瓏玲落纒不待喧
雷霆掩勢已有風搖櫺虹橋最高人罕經山鬼獨足行伶仃仰
而視之心不常聞以金碧光熒熒講則有舍梵有庭桑麻蔚蔚
連鄉胸收束直到星村星精氣旋軀幡真形光怪後忽收全溟
仙人來往石與江王女隱見尹復邢武夷君者三千齡聞會鄉
人於幔亭綵雲彷彿張錦屏東邊拍鼓西坎鈴流入竹柏猶冷
洽會系繩綰罔雲軒令我得從畫外聽乃知畫者真通靈直以
厚力回冥冥鼓君游興鳥插翎證君詩卷睦有町酬功願發官
焙馨中洽近汲江心瓶

題屠琴塢畫十六幅

蒼蒼孤岫迥遠帶波不滅松光
泫然來露洗半空灑想見高閣
登恰對斷峯缺

此非簾臺筆而能擅其勝小橋乍通村遠樹可尋徑隱隱
黃似被秋風孕中間野水語荒寂不可聽忽然敗葉吹飛下一
聲磬

宗伯天機深渲染多神姿而君惠濟人意在潤澤之老樹所覆
被萬物咸取資三間茅屋風琴罷書交吹

初夏羣木盛衆綠懷育其花藥紛翳夢田水鳴沄沄藉慰簪笄
忙亦佐晨夕欣三時黃梅雨一角南屏雪能招白鷺來吾請張
酒軍

明明小朶峯勢可凌萬石離離松樹子氣乃據百尺充實良在
茲與交豈可
系古人根抵深吾黨精能託俯仰山水間恍乎八

秋碧何必荆關神來卽靈宅

山風吹有情妙想寄情發依依溪上煙微涼動林樾願借若華
畱因之晞余髮

暖然曠霧起落日交昏黃行行認前路松光雜水光半胸暝色
停不知誰草堂誰歎杖策吟有人下瀉梁

野水鳴蕭蕭遠見一橋敗微風吹淅淅斜曳獨柳拜老屋歸不
遲獨舫行更快卽此冷趣貽已可石合賽前灘月暗生只怕寒
莫耐但得雪壁窗便乞攜之挂

音聞侮道人能得墨戲理茲圖特肖之妙具逃禪旨蒼透漁梁
然清淡到神髓所以淵明琴無絃淡如水

依岸不盡雲迷迷而省省樹來離合之若以空翠繞傲爾其本
生吹月出林表長松大清脫刻露根及杪纖翳所不顧規

樓矯伸山越凡近海若濔濔渺方知萬象空不覺一廬小明明
湛秋霜令我心乎悄

嵐彩遞隱見蒸成雨後山萬樹出蒼汁亦各明蜺翼茅屋中有
人漁商何時還

富春遊已杳復換江光吹當時并西居誰與營茅茨人家各洲
渚風氣宛肖之雞大聲互聞竹柏風交吹誰知紗帽洲亦逢帆
落時

出帶紛蘿煙姿雜離莊經營綠壤開助以流淙淙若絃琴塢
琴願與彈秋江

風急蘆花波濤驚迷羽忽收亭外煙冥冥已生雨

虛明乃本體山水爲勝因以此翰墨緣超出色相身濛濛泥大
造了了見一頃草樹聚光氣煙華蕩健倫信此小米法乃奎大

筆妓書禪會當遇相對呼可人

大聲忽到耳勢挾風雷屯素氣倏若浮凜凜而可捫要其萬籟
寂中有靜者在臨厓者何人喑然忘語言

題焦山雪齋上人

建真竹嶼吟秋圖

阿師飛渡譙門來衣上海色灑千苔自言哦詩搆新築許我入
畫先追陪文殊閣中記遊歷人勝坊下重徘徊其陰松老綠移
屢此外又肥紅換纔竊然一徑繚曲入豁爾萬象空明開橫江
東去流浩蕩列岫曰接爭崖見道波隱隱目魚上拜浪滾滾江
厥冠兀空高塔影凌漢震耳飛瀑聲喧雷以諷風岫倚欄角獨
策芒屨穿林隈歸雲閒與隱士遇頽鶴俄亦仙人猜游宮倦處
須濟勝客有吟者煩停桅因緣彈指半偈悟又字結習三生該
詩能呈飾信真契心但離所賞花臺豈唯龍象賴調攝卽此竹

石闕栽培鐘邊行閃塢鴉過門外立待斜陽僅會須臾可作初
祖且約琴竇同清才繩牀儘可敷坐其米汁亦許分饌不焚香
掃地吾所願只惜影雪堆皚皚

有懷故鄉節物二首

湯西泚少宰懷清堂集中一詩益憶櫻桃蠶豆作也
余以新筍新茶易之工拙或殊而情味知復不遠矣
猪肝累已久黃齋餉不治一朝差致仕懶和魯直詩外強而中
乾動受食簞陋吾家西溪西燕子來及時新雨昨宵過已有溪
翁知森森頭角茁隱隱離落窺扶持見孫輩長養虎豹姿喜逢
蒼苔圻行覓褐錦披劇以鴉醬鋤惟恐羹奴遲配以花猪肉恰
好上頓宜肥鮮勝諸味冰雪貪一炊有約米汁佛來就玉版師
無嫌此君醉相對同淋漓

昨得山僧書遠荷筠籠寄上言熬焙力下署封題字時當穀雨
餘不子煙山翠令余清夜夢先落龍井寺想見綠陰交著鳥啼
初至萬鼓聲正喧采采雲滿地自念口腹營得免權稅對繁煙
裊清風此福荷天賜紗帽坐籠頭且約商茶事豈徒湯茗功尤
著品難記詩腸幸能澆茗碗懼爲異斟酌盆盎間一瓶梅水試
徐聞空際濤颯颯激松吹

題張伯治

騏

金集全勝圖四首

直合濤頭涌全收縹緲間鈴風盤一塔海氣劃三山日落漁常
聚天清鶴自還神光爭眼底餘力破幽潺
試數恍如馬翻咄我亦鷗過江幾名士擊楫想風流鎮鎮當年
重韻隨徹夜游惟應北府酒常似勁兵留

門寒古戍驢蹄鎮續紛煙老仙人鶴句詩隱士雲雷效餘輝

草枯木脊斜暝枯木也集聽轉江船去南徐鼓乍聞

浩浩披胸次層層透筆端峯能全勢活月并二分看只我皐比

擁纒爭畫本寬煙帆與沙鳥來往借盤桓

七十自述八首

羣羣倏將至崦嵫良可憂身荷皇天慈七十何所求疾風患凌

就虛瀟苦奔流紅顏日以改素髮日以稠玉堂在

天上孤棱望悠悠經濟賴鉅公不待區區籌惟此藜藿忱尚願

耕鑿酬昨歲念東臯顛失嶠相收落日照茅茨一飽難自謀北

鄰雞黍約不恥永夕留衙散會當報願發商聲謳

六齡就外傳十五知詞章辦心跡墨林奮志冠益場浩蕩回前

路敷發由由賜三千入承明委身事

聖皇相完詩書業編何

月月光蕭蕭校禮閣閣侍書房凡所

恩禮加胥愧夢寐當榮華信可羨出處亦自量自從乞養歸日見草木長幸沐

天地恩幸卑松楸藏盈門滿春水過眼餘斜陽

君親兩無報獨立徒徬徨

骨肉相扶持謂具天倫樂豈知去日多輒使老懷惡往年喪我婦出入苦蕭索烏生八九子舉動失歸著前年仲弟亡形神大落漠木是同根生奈何一箇弱冷暖感余獨風雨慘花萼世途甚崢嶸吾生值飄泊雲來聚春空雲散歸秋壑安得南山松常結歲寒約颯颯夜泉語淒淒獨絃作激此千古哀令余先寂寞我家田間來世唯耕讀敦鄰里夙相習謂是禮度門卽今風俗移猶能謹離藩日昨上冢三揮觴過神墩湖州祖所居親戚時

過存喜見稻花長時復聞雞豚擔簞來不遠比舍若弟昆村歌
良可聽村酒亦不渾得以歸田樂爲話

聖主恩當時嬉戲兒今乃頭皓皓實落必歸根吾願長子孫雨
行趁因水晴起逢朝暾一勤播種力一習農里言

雅才大小稱豈爲章句用自顧草木姿乃藉詩人重時時弄紙
墨竊竊學吟誦風雨一廬雜日月雙丸送未成鼎俎實欲佐

朝廟供枝梧辱陶謝偃蹇追屈宋日飽大官羊終墮菜園夢歸
計名江湖勞生誤塵霧譬登匠石門曾未習梁棟追奔迫雕年
日暮盼歸鞍虛名遂斗箕徒資一笑闊

飛帆渺所屆勢欲窮山川縱目極其游意在窺天淵平生好奇
心惟思畢長年常陟古北口遠見長城連亦登秦山頂微辨齊
州煙宵籛每在望搔首增遲延尤憶富春路一隻茭白船垂垂

香雪好二月梅花大隔竹畫眉叫出綢江魚鮮歌聲江上發樵
子皆如仙此遊吾最樂此景吾更幸自從五十來安得腰腳便
行行老景至忽忽塵務纏徒紆尋山興已謝濟勝緣惟餘孤蘆
夢夜熟逢滴眠

契濶亦已久成說能不申祇此懷抱間肝膽時輪囷我日思我
友我夢接以神所望衡宇近每有精氣存泣然沾我襟亦自知
我貧人生管鮑情惟願曰首新晨星忽過眼負負何由陳以我
此念推愈知古人真周瑜宅推客鄭莊驛置賓吾嘗聞斯語吾
猶見其人念當養底及時有益春新月在牆角宛然見笑嚬
願持一盃酒相對同飲醇

昔仰文成公治國有精意用以貽子孫動爲宗社計至今懷
靈根成就不雕器河漢必窮源文章待餘事卽論匡濟才亦

迢深之別我二十年屢見日月
昨夜春水生請我綰腹字寤
寐儼在懷顏色猶可記問我疾
州由念我衰憊自我嗟拙安用
子實才非易聞昨戲亂行戈絨
管一試誅夷止渠魁安戢遠而
肆每述祖德詩恒隕蒼生淚卽
今幾輔勞事事煩飭制
簞下喉舌近河東股肱寄

朝廷用得人天下賴同治恕我
紛還言耄及殆將智